

又

作伴修行未是飄飄物外行持孤雲野鶴任東西何有些兒礙
滯 淡飯尋他兩頓清淨淨無為寂寥瀟灑最相宜別有一
般滋味

行香子

得得無修無惑無求放心閑無喜無憂逍遙自在雲水閑遊趣
空中玄玄中妙妙中幽 落魄婪耽垢面蓬頭恣陶陶真樂歌
謳隨緣一飽真個風流這般來無無來有有來由

又

朝也防心暮也防心恐心生熟景來侵多能術藝書畫碁琴更
不生貪不着愛步瑤岑 善也由心惡也由心善心閑惡意狂
尋心生虛度日月光陰便如雲行如水去訪知音

道藏輯要

水雲集

三

胃集五

雲霧歛

匿光輝認愚鹵兀兀騰騰閑裏尋閑步垢面蓬頭衣縷縷乞食
忘慚方稱煙霞侶 絕驕矜趣真素不受人欵不擇貧卑處認
正丹陽師父語了了惺惺功滿歸蓬路

做修持休輕侮認取雲中細細濤清雨淨淨冷冷靈芽吐心外
尋求謾了虛辛苦 坐與行臥與住閑裏閑搜閑暇逍遙做結
就金花开玉戶一道光明直射無為路

告行人聽步訴着假求真也好迴頭顧勘驗行藏休慕故不令

虛無怎得蓬瀛住 認元初歸瑩素勤拭靈臺勿使塵埃污心
上貪瞋癡盡去暗裏功成有箇真師度

臨江仙

得得全真真妙理無爲無作無修自然清淨行功周祥雲團絳
闕瑞氣繞瓊樓 心似閑雲無罣碍身同古渡橫舟真空空界
可相酬白牛眠露地明月照山頭

虛幻浮花休苦戀南辰北斗頻移暗更綠鬢盡成絲百年渾似
夢七十古來稀 奉勸人人須省悟輪迴限到誰知修行宜早
不宜遲從前冤孽罪要免速修持

稽首吾門諸道友降心向外休尋等閑容易費光陰修行何是

道藏輯要

水雲集

三

胃集五
川上上

若不了我人心 滅取無明三孽火勿令境上相侵本來一點
沒昇沉真閑如得得步步上高岑

連理枝

浮世愚癡輩一向貪名利愛海恩山拘繫鎮迷酒色財氣算榮
華富貴電中光好迴心改悔 早早尋出離默默搜玄秘寂淡
貧閑隨緣度日道人活計守無爲清淨行功周赴瑤池宴會

贈京兆府安王解元

太原公疾苦聽予告切聖賢待把伊提挈好休歇筭人生七十
古來云少看看看到也做箇放下决烈 割攀拽趣閑閑歸瑩素
安恬養拙認靈源鍊磨明徹從前孽向三千功裏徐徐消滅青